

Vol. 43	Issue No. 49	Ramhlun North: Ni 6 December, 2025
BRANCH THU THAR ■ Pi Vanlaldini, V-Sec. chuan a Conference Hall (Whitestone Conference Hall) Branch YMA te a thlawnin min hmantir a, a chungah lawmthu kan sawi takzet e. SECTION THU THAR ■ Taitesena Section: Pu K. Thangtinkhumate chhungkua T-Sec. chuan an fanu NI. Annie Lalhruaitluangi hriatrengna atan Taitesena Section-te Lecturn tha tak an pe. An chungah lawmthu an sawi. Wawiin nileng hian Mineco-ah sum tuakin an hnattlang. Inhlawhna petu Pu T. Lalnundika chungah lawmthu an sawi. ■ Saizahawla Section: Ni 9 leh 11 zan hian Section huam chhungah mi harsa te pualin Krismas Carol an nei dawn a, member te thahnem ngaia tel turin kan insawm a ni e. SUB. COMT THU THAR Library: Visitor of the Month (November) lawmman dawngtu te: 1. Lalrinsangi Ralte, C-Sec. 2. Lalnunhlui Ralte, C-Sec. 3. Laldusaki Ralte, C-Sec. 4. Vanlalpeki, N-Sec. 5. Isaac Malsawmtluanga, C-Sec. 6. C. Vanlalchhandama, C-Sec. Lawmman hi Ni 6, Dec. 2025 Inrin Ni chawhma Dar 11:30-ah YMA Library-ah sem a ni ang. Lawmman dawng turte a hun taka thleng turin kan inngen a ni. Kumin chhung atan YMA Library Ni 13.12. 2025 thleng hawn a ni ang. Lehkhabu hawhtu zawng zawngte Ni 13-ah return hman vek turin kan inngen baw e. Library Duty turte Ni 13.12.2025 1. Tv. PC. Malsawmzuala 2. Tv. Samuel Vanlalnghaka 3. NI. Lalrindiki 4. NI. Lalfelfamkimi 5. NI. R.D. Vanlalmangaihzei 6. NI. Lalnunpuii Hmar 7. NI. Ruth Biakchungnungi	2026 OFFICE BEARERS TUR THLANG DAWN {12.12.2025 (Zirtawpni) zanah Ramhlun Indoor Stadium-ah} Ramhlun North, the 6th December, 2025: Ni 12.12.2025 (Zirtawpni) zan dar 7:00 hian kum 2026 chhunga Ramhlun North Branch YMA Office Bearers tur thlan a ni dawn a. Hetiang hian programme duan a ni. A hun: December ni 12, 2025, zan dar 7:00 A hmun: Ramhlun Indoor Stadium, Conference Hall Returning Officer: Pu Lalneihhlua Polling Officer-te: Pu R. Zonunmawia Pu Vanlalruata Ralte Pu Vanlapiangthara Pu Mangchungnunga Pu Tlangtimawia Zote Pu Vanlalrova Pu Malsawmdawngliana Pu Jerome Lalbiakdika Hunserh: Rev. Hrangeia Hmar (BCM) Member kalta te sunna: Pu Tlangtimawia Zote (Video Clip in-charge Library & Documentation Sub-Committee) Seat arrangement: Saizahawla, Khuangchera leh Neuva Section Seat Re-arrangement: Vanapa, Taitesena leh Chawngbawla Section Sound: Music Sub-Committee Ushering: Library & Documentation Sub-Committee Hruaitu thar pangpar hlan & refreshment sem: MARYMA Special Item: Section tin atangin pakhat theuh Hruaitu thlan turah nomination siamin, post-by-post a inthlan tur a ni a, floor atangin mi pathum a nominate theih baw ang. Thlan theih tura chhawp chhuah te chu- (Alphabetical Order) 1. Pu Biakchungnunga 2. Pu C. Lalremruatfela 3. Pu C. Lalremruata 4. Dr. Joseph Lalhmingliana 5. NI. Elizabeth Lalnuntluangi 6. Pu H. Rodingliana 7. Pu Isaac Zothianghlina 8. Pu KC. Lalramluahpuia 9. Pu Laldingliana Sailo 10. Pu Lalrochama 11. Tv. Lalthanchhunga 12. Pu Rorelliana 13. Pu Thandingliana 14. NI. V. Lalruatkimi Kumdangah hruaitu thlannaah hian member te kan thawk chhuak tha taw lo thin hle a, ngaipawimawh thar turin kan inngen a ni e.	KRISMAS CHIBAI BUKNA Kumin Krismas denchhen hian Krismas chibai bukna pek ni se tiin Executive Committee chuan a rel a. Chhungkaw 54 hnenah Krismas chibai bukna hi pek tura ruahman phawt a ni a, hei bakah hian pek tur an awm belh chuan OB ten ruahhmanna lo siam se tih a ni baw k. Krismas thilpek atan hian heng a hnuaia mi te hian branch-ah sum an rawn theh lut a, an chungah branch chuan lawmthu a sawi takzet a ni. 1. Pu P. Thangchhuaka te chhungkua, V-Sec. Rs. 30,000 2. AM Management, N-Sec. Rs.10,000 3. Taitesena Section Rs. 5,000 4. Neuva Section Rs. 5,000



Editorial

Fimkhur tlang ila..

December thla kan chuang kai leh ta der mai. Mizo te tan chuan Sunday thla a ni ber mai. Bazar leh kawng dung dawrah mi aia hmuh fuh tumin tam tak chuan second hand thawmhnaw lum kan thing suau suau a, chhungkaw member zat zet leiin kan inpawm ho tun tun mai a nih hi.

Tuma min hriatpui lovin bengah Krismas hlain min awi a, upa lam deuh chuan Siampuii Sailo, Lalsangzuali Sailo etc. zaite rilruin an han herh chhuak leh a, thinlunga a hnen dan a la ngai reng mai. Nu leh pavalai lam deuh chuan BonnyM, Wham etc. Krismas nena hla thu in zulna leh inzawl na nei miah lo, mahse Krismas laia lo awi tleitu, thlasik khawvawh laia an kawr tight teng tawng thlantuiin a chiah zawp hnap leh an pheikhawk hnuai chang tak ral raiha laichhuat chhuihkual tir thei khawpa phurna lo petu CCR hlate chu khawchhaka ni chhuak angin khel lovin an thinlungah a lo a lo inher chhuak leh ta.

Kan thalaite pawhin am taka hman tumin a hlimawm thei ang berin ruahmanna te an siam ve mek a. Intihhlimna hmunte chuan hnar sen loh dilna an dawng awm e.

Kohhran lam pawhin a beramte an him theih nan, kohhran kalphung milin hlim taka hmang turin committee peng hrang hrang dinin an phu suau suau a ni.

Hetih mek lai hian Krismas vuakvetah ruihtheih thil kan thalai leh, nu leh pate kham khawp chhek khawl loh hlauvin thenkhatin tan leh thih huamin an lo bei ve baw k a, vengchhungah ringawt pawh kan in,man seng lo a nih hi.

He hunpui hi hlim takin hmang ila, nakina lawka inchhira kan kiu vawng vawng lohna tur erawh chuan i fimkhur ang u.



KHAWTHLIR

NGÊNGPUI LUI

Ngêngpui lui hi Mizoram lui lian zingah chuan langsar pawl tak a ni a, Lunglei leh Lawngtlai District-a lui pawimawh tak pakhat a ni. Chhim zawngin a luang a, Saiha leh Lawngtlai district inrinaah Chhimtuipui lui a fin a ni.

Lunglei Theiri at bulah hnar a nei a, chhim hawi zawngin a luang a, Chawngte leh Lawngtlai inkâr kawng motor kawngpui in Khawmawi leh Ngêngpui inkârah a tan tlang a, a tan tlangna lai hmun hi Lunglei leh Lawngtlai district inrinna lai a ni. Lunglei District huam chhungah thui tak a luan hnuin Lawngtlai district ah a luang lut a, Lawngtlai district chhim lam, Saiha district nena an inrinna Kawrthindeng khaw bul chhim chhak hrêtah Chhimtuipui lui a fin ta a ni.

Lunglei District-ah Theiri at, Sethlun, Hrangchalkawn, Thangpui, Thaizawl, Thangte, Bualte, Thualthu, Vaisam, Herse, Sailen, S. Mualcheng, Mautlang, Ngiautlang leh Khawmawi te hi an ni.

Lawngtlai District-ah Ngêngpui, Hmunnuam, E. Saizawh leh Kawrthindeng te hi a hnaih khaw langsar zual deuhte an ni.

Lunglei District leh Lawngtlai District huam chhunga lui hriat hlawh leh hmingthang tak pakhat a ni a. Lui lian pangngai tak a ni a, Mizoram chhungah a luang thui a, a fintu lui te pen a tam avângin Lawngtlai district huam chhungah phei chuan lui lian pangngai tak a ni tawh a ni.

He lui hi a luang dam a, chuti takin a kuang lian lo mah sela, a hnaih khuate'n an chhawr tângkai hle a; chakkhai dap nan ber an hmang thin a, luipui tângkai tak a ni.

Servate luiin Lawngtlai leh Lunglei District inkârah a fin a, Servate luiin a fin hnu maiah hian Servapui luiin a fin leh a ni. Ngêngpui lui hi lui hming nei thamin an fin vak lo naa, lui te pen hrang hrang thahnem takin an fin.

'Ngêngpui Lui' tiin map siamtute'n an



ziak a, hun kal zelah 'Ngêngpui Lui' kan ti chhunzawm ta a. A nihna takah chuan "Mengpui" tih tur zawk a ni. Meng chu sazuk sawina a ni a, sazukah pawh sazuk lian chi sawina a ni. 'Mengpui Lui' tih chu, 'Sazuk Lui' tihna a ni. Pawi tawng a ni a, Pawiho hming phuah a ni.

Thawnthuah chuan hmanlaiin Ngêngpui lui huai leh Tlawng huai hi an awm a, an inkawm ngeih hle a. Thil engkim an ti dun thin a, naupan lai atâng tawha inkawm ngeih tak an nih avângin an lo tlangval hnuah pawh an inkawm ta zel a.

Vawikhat chu nula thuan an inhmu thiam ta lo va, an inhmu thiam lohna chu a thûk em avângin han inkawm leh chi ziazang an ni ta lo va. Hmun khata awm dun reng chu a rem ta lo va, inthen zai an rel ta a. Kumkhua-a inhmu leh ngai tawh lo turin an inthen ta a ni.

An hnar neihna hmun chu Lunglei tlang bawr vel ni ve ve mah sela, inhmu an duh tawh loh avângin chhim leh hmar zawngin an inthen ta phawk a. Tlawng lui chu hmar zawngin a luang ta ngat ngat a, Ngêngpui lui chu chhim zawngin a luang ta thung a. Tichuan, an inthen ta phawk a, eng lai maha intaw k leh ngai tawh lo turin an inthen hlen ta a ni.

LEO PLUS

Mipa pheikhawk Smart shoe, Loafers, Sneakers hrang hrang, Casual, Boot duhtlan tur kan nei e, hmeichhe Sneakers leh Naupang pheikhawk kan nei baw k.

Hitz Company, Intac School Shoe Dealer kan ni, School Shoe hrang hrang kan kaw l baw k e.

D-67, Third Floor, Millennium Centre.
Contact : 8974773566/ 7005231315

FREE SERVICING, FREE SERVICING

Tui filter current hmang, eng company pawh, kan hnen atanga lei leh lei lo pawh a thlawn in Ramhlun North huam chung tan servicing kan tih sak thei e.

Spare parts chikim kan kaw l baw k e.

Ph: 8787597708/ 9362300611/8415901776



ZIN & HAW

- Pu Rorelliana, Treasurer chu chhungkaw pawimawhah Uttar Pradesh-ah a zin.
- Pu Roṭhuama, C-Sec. chu Delhi-ah in entirin an kal. A nupui Pi C. Lalchhandami'n a kalpui.
- Pi K. Zonunsangi w/o Benjamin Lalduhawma N-Sec. chu Kolkata aṭangin in enkawl chhunzawm turin an lo haw leh ta.
- Pu Henry L. Hrahsel leh Tv Jonathan L Hrahsel, C-Sec. te chu chhungkaw thilah Shillong leh Guwahati-ah an zin.
- Tv. R. Lalrindika leh Nl. R. Lalramsiami te unau, T-Sec. chu in check-up turin Kolkata-ah an kal.
- Tv. Jeffrey C. Lalawmpuia s/o C. Lalhmangaiha C-Sec. chu hna thawk turin tun kar khan Pune-ah a kal.
- Tv. Lalmuanawma s/o Kaphliri C-Sec. chu Vanchengpui ah hna thawkin a zin.
- Pu Benjamin Lalbiakmuana, C-Sec. chu hna thilah Hyderabad-ah a zin.
- Pi Zosangliani w/o K. Rohmingthanga (L), V-Sec. chu Kolkata-ah in entir turin a kal. A farnu te Lianzami leh Zothangliani ten an kalpui.
- Pi Lalhluti w/o Lallai Sangzuala, C-Sec. Bungzunga zin chu a lo haw leh ta.



THILDANG

- Pu Lallai Sangzuala, C-Sec. chu Aibawk branch YMA Secretary hmasa ber niin an YMA Golden Jubilee hawngtu-ah hman a ni a, tin, Hruaitu hlui chawimawina hlan a ni bawk.
- **Insawn:** Pu Lalfakzuala te chhungkua T-Sec. chu an mahni in thar Ramhlun South-ah an insawn.



KOHHRAN

- **Presbyterian, Ramhlun East:** Kohhran Pavalai Pawl chuan vawiin hian an Rising Day lawmna hun an hmang dawn a. Chawhma leh chawhnu Kohhran hall ah programme an nei anga tlai lamah zanriah an kilho nghal ang.
- **BCM:** Academy of Integrated Christian Studies (AICS) chuan an Silver Jubilee pualin Aizawl huam chhunga Kohhran Upa leh Rawngbawltute, leh Fellowship Department a OB te tan Seminar Inrinni (06.12.2025) nileng hian BCM Biak In, Ramhlun North-ah an nei.

LEI PIAH LAMAH



K. Vanlalchhuana,
Kum - 50 b/o

K. Lalngaihzuai, C-Sec. chu ni 01.12.2025 (Thawhtanni) tlai dar 01:20 khan a boral a, lumen a nih hnuin a tuk ni 02.12.2025 (Thawhlelni) chhun dar 12:00 khan Ramhlun Venglai Thlanmual, Falkland-ah vui liam a ni.



Chalbuangi,

Kum - 86 w/o Biakdanga (L), T-Sec. chu ni 01.12.2025 (Thawhtanni) zan dar 10:45 khan a boral a, lumen a nih hnuin a tuk ni 02.12.2025 (Thawhlelni) chhun dar 12:00 khan Ramhlun North Thlanmual, Zemabawkah vui liam a ni.



Lusun khawhar chhung te thlamuantu Pathianin vengin awmpui mawlh rawh se.



DAMLO

- Dr. Vanlalhlana, Bialtu MLA chu a Mî-a lungte awm avangin New Delhi-ah zai a ni.
- Pi Vanlalsiami w/o H. Lalfela, K-Sec. Dengue avanga Synod Hospital, Durtlang a awm chu a lo chhuak leh ta.
- Pi Mimi Vanlalruati d/o Ngurmawii, S-Sec. Typhoid leh zun kawnga hnai awm vanga Synod Hospital, Durtlang a awm chu dam takin a lo chhuak.
- Pu H. Vanlalhruaia, N-Sec. chu Ke rêk ulh vangin in lamah enkawl mek a ni.
- Tv. John Lalduhawma s/o Hrangdailova S-Sec. chu Aizawl Hospital-ah enkawl mek a ni.
- Pu Rorelkima, T-Sec. chu Civil Hospital, Aizawl aṭangin dam takin a lo chhuak leh ta.
- Pu J. Laltinkhuma, S-Sec. chu Ebenezer Hospital-ah enkawl mek a ni.
- Pi Lalrinmawii w/o Ngurthanthuama, K-Sec. chu Typhoid vangin Synod Hospital, Durtlangah enkawl mek a ni.
- Pi Marina L. Vanchhawng w/o T. Lalnundika, T-Sec. chu Scrub Typhus avangin Ebebezer Hospital-ah a awm.
- Pi Lalremruati w/o Kaptluanga, V-Sec. chu influenza avangin Synod Hospital, Durtlangah enkawl mek a ni a, an fanu Malsawmhlui pawh hritlang âwmna avangin Synod Hospital-ah hian enkawl mek a ni bawk.
- Pu Chhunkhama, N-Sec. chu thawhah avangin Care Hospital-ah enkawl mek a ni.
- Pu H. Lalhmachhuana, T-Sec. chu Typhoid vangin Nazareth Hospital-ah enkawl a ni.



LAWMAWM

- Pu V.L Dinpuia leh Pi Lalremsiami, N.Sec te nupa chuan Synod Hospital, Durtlangah fapa an nei thar.
- Pu Lalrinhlua leh Pi Teresa Lalrempuii, T-Sec. te chuan LRM Hospital-ah fapa an nei thar.
- Tv. Vanlalruata s/o B. Lalrinawmi, V-Sec chuan Apex Bank-ah hna a hmu thar.
- Pu Ruata Zote, C-Sec. chuan rimawi lama a sulhnu avangin Lelte Award- 2025-ah Lifetime Achievement Award hlan a ni.
- Lalremruata, C-Sec. leh Carmelita Lalchhanhimi Pachuau, Tuikual South te chu ni 05.12.2025 (Zirtawpni) khan Ramhlun North Presbyterian Kohhran Biak Inah an innei.
- Lalhriatzuala, V-Sec. leh Malsawmkimi, Zarkawt te chu kar hmasa khan Ramhlun North Presbyterian Kohhran, Senior Hall-ah an innei.



LOCAL COUNCIL

- Veng chhungah Dengue vei kan tam leh ta hle mai, chhung tin te mahni in leh a vel vawnfai kawngah ṭan la thar leh ila, thosi pian theihna tur tui tling te paihfai/ chhin ṭa turin kan inngen a ni e.
- Vengchhung Streetlight ṭa lo te repair tura hmalak mek a ni e. Mahni in bul streetlight ṭa lo a awm chuan Pu Lalmawizuala Khiangte (Ph: 8416045091) a report tur a ni e.



PAWL DANG

- **Ramhlun North Cricket Club:** Cricket Association of Mizoram hnuai a 3rd Division Screening Tournament neih mek ah Ni 1.1.2025 (Thawhtanni) khan Ramhlun North Cricket Club chuan Chanmari Cricket Club chu wicket 5 in an hneh. Ni 6.1.2025 (Inrinni) hian Hunthar Cricket Club nen an inkhel leh ang.
- **Ramhlun Sporting Club:**
 1. **Basketball:** Aizawl District Basketball Association First Division League khelh zawh takah RSC Basketball Team te chu Pahnihna an ni.
 2. **Academy:** RSC leh Northern Academy ṭangkawp chuan Basketball Coaching B.A.D. (Basketball Against Alcohol and Drugs) an buatsaih mek a, he coaching hi a duh apiang tan chhim theih a ni a, fee hi a awm hran lo a ni.
Inrinni dar 3:00 P.M. apiangin RSC Field ah Coaching hi pek ṭhin a ni.
Zawt chiang duh tan a hnuai a number tarlanah hian a biak theih reng a ni.
Pu Michael F. Lalawmpuia, 8014163196 Chairman, RSC: Basketball Sub-Committee.
 3. **RSC Field:** RSC Field Shed siamṭhat hna thawh mek a ni a, RSC Field-a inkhel ṭhin te leh a hmangtu zawng zawng ten dim hram turin kan inngen a ni e. Hman zanah pawh siam ṭhat leh vek ngai khawpa lo tihchhiat a ni a, hetiang hi thleng tawh lo se a duhawm hle.
Tin, RSC Field hmangtu tute field vawnfai chungchangah hma la thar leh ang u.

ADVERTISEMENT

KC TUI

Ph: 7005010327 / 9774223462 (10-8)

SP TUI

Tui hna thianglim, ei leh in tlak, litre 2000 pickup trip kan pe thei e.

Mobile: 9615789047 (5-1)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

$$\text{Rate: } \text{inbiak remna.} \quad (10-7)$$

Registration: MRS 542

Contact: 9862476439

SAWMA SEPTIC TANK SERVICE

Septic Tank khat paih fai, commode block, pipe fit, soak pit
thar siam engkim kan ti thei e.

Rate: Inbiakremna **Ph:** 8119969364 (10-7)

KHIANGTE SEPTIC TANK SERVICE

Septic Tank khat paihfaí, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-7)

Contact - 9862344971 Bawngkawn South

L.H SEPTIC TANK SERVICE

Septic tank paihfai leh repairing engkim kan thawk thei e.
Kum 17 chuang experience nei kan ni e.

Rate: 4500 per trip (30-26)

Ph.6909183193

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (5-4)

FANAI SEPTIC TANK SERVICE

Septic tank paihfai leh repairing engkim kan thawk thei a, experience tha tak kan nei e. Rate hi INBIAKREMNA (5-3)

Mb. 9863524969/ 9366506115

VANLALFELA SEPTIC TANK SERVICE

Septic tank paih fai,commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm.

Contact: 9436199884 (1-10)

PUJA SEPTIC TANK SERVICE

Septic tank paih-fai, commode block, pipe, commode fitting,
soak-pit leh a khur repairing engkim kan khawih thei e.

Rate: INBIAKREMNA
6909266562

DIN DIN ELECTRICALS

Electric Bungrua chi hrang hrang rate tlawm takin kan pe thei e. Ina
awm chilh kan nih avangin engtiklai pawhin kan pan thei e.

Ph: 9366102425

RAMHLUN NORTH PRESBYTERIAN HNUNG

